

11648
84917
9210
10176

廿二史札記

廿二史札記

廿二史劄記卷二十七

陽湖趙翼雲崧

遼史

遼史太簡略蓋契丹之俗記載本少太宗會同元年雖
詔有司編始祖奇善舊名奇首可汗事迹然遼史所載僅記

其生於都菴山徙於潢河之濱而已蓋已荒渺無可稽

也歷朝亦有監修國史之官如劉愼行邢抱樸室昉劉

晟馬保忠耶律隆運耶律玦蕭罕嘉努舊名蕭韓家奴耶律阿

蘇舊名阿思王師儒等皆以此繫銜見各本傳然聖宗詔修日厯

官毋書細事道宗并罷史官預聞朝議俾問宰相書之

惟蕭罕嘉努修國史以聖宗獵秋山熊鹿傷數十人直

書其事帝見而命去之既出又書其事以爲史筆當如是也其他則隱諱苟簡可知矣其編爲史冊至興宗時耶律孟簡上言本朝之興幾二百年宜有國史以垂後

世乃編耶律嚇魯

舊名曷魯

烏哲

舊名屋質

休格

舊名休哥

三傳以進

興宗始命置局編修其時有耶律古裕

舊名谷欲

耶律庶成

及蕭罕嘉努實任編纂之事乃錄約尼氏

舊作遙輦氏

以來

事迹及諸帝實錄共二十卷上之蓋聖宗以前事皆是時所追述也道宗大安元年史臣進太祖以下七帝實錄則又本耶律古裕等所編而審訂之其時劉輝謂道宗曰宋歐陽修五代史附我朝於四夷矣加貶訾臣亦請以趙氏初起時事詳附我朝國史據輝所言則不惟

諸帝有實錄且漸有全史矣至天祚帝乾統三年又詔耶律儼纂太祖以下諸帝實錄其成七十卷於是遼世事迹粗備遼史傳贊謂其具一代治亂之迹亦云勤矣當遼之世國史惟此本號爲完書金熙宗嘗於宮中閱遼史卽此本也熙宗皇統中又詔耶律固伊喇舊名移刺因伊喇子敬等舊作移刺子敬續修遼史而卒業於蕭永祺其

紀三十卷志五卷傳四十卷皇統七年上之此金時第一次所修也章宗又命伊喇履提控刊修遼史党懷英郝俟充刊修官伊喇益趙渢等七人爲編修官凡民間遼時碑誌及文集悉送上官同修者又有賈鉉蕭貢陳大任等泰和元年又增三員有改除者聽以書自隨懷

英致仕後詔大任繼成之

俱見各本傳

此金時第二次所修

也至元修遼史時耶律儼及陳大任二本俱在后妃傳序云儼大任遼史后妃傳大同小異酌取以著於篇而厯象閏考中并注明儼本某年有閏大任本某年無閏尤可見其纂修時悉本儼大任二書也

遼史二

遼金二代之興皆經祖宗數世開創始成帝業金史於太祖本紀前先立世紀以敘其先世取爲明晰遼史則開卷卽作太祖本紀而其祖宗遞傳之處反附見於本紀贊內故所敘太簡肅祖懿祖元祖德祖四代其妻已立傳於后妃內其夫反無專紀而附於贊內豈不詳略

兩失乎且贊中所敘又不甚明了謂自奇善可汗生都

菴山傳至聶呀舊名雅里讓蘇爾威舊名阻午而不肯自立聶呀

生必塔舊名毗牒必塔生海蘭舊名類領海蘭生努爾蘇舊名思

是為肅祖肅祖生薩喇達舊名刺德是為懿祖懿祖生伊

德實舊名德實是為元祖元祖生色勒迪舊名庭雜記又名

里是為德祖即太祖安巴堅舊名保機阿之父也世為約尼

之額爾奇木舊作夷太祖受可汗之禪遂建國云太祖

本紀又謂哈陶津汗舊作痕德殂羣臣奉遺命請立太

祖太祖三讓乃許之案新唐書謂契丹王錫里濟舊唐書及

薛居正五代史俱作習爾之死族人沁丹唐書薛史嗣嘗入寇為劉

仁恭所敗乃以重賂乞盟故沁丹晚節不競而歐陽五

代史謂約尼以次代爲劉仁恭所攻八部之人以約尼爲不任事選於眾得安巴堅代之蓋此卽遼史所謂受

可汗之禪者也

欽德痕德董遙輦皆名字傳聞之誤

其聶哱讓蘇爾威而

不自立之處案耶律嚇魯傳哈陶津汗歿羣臣奉遺命立太祖太祖曰吾祖聶哱嘗以不當立而辭位吾可受乎嚇魯曰昔聶哱之辭以未有遺命也今先君言猶在耳君命不可違太祖乃卽位據此則所謂聶哱讓蘇爾威及太祖受可汗之禪歐史雖不載要是實事又嚇魯云自蘇爾威後十餘世國衰民困今正當興王之運不可失也此亦與唐書歐史所謂被劉仁恭所攻八部之人以約尼爲不任事而立安巴堅者略相合然遼史謂

羣臣奉遺命立安巴堅歐史則謂八部人公議立安巴堅又屬岐互至新唐書謂八部迭相更代獨安巴堅目爲一部不肯代自號爲王歐史又謂安巴堅旣立後值中國多故漢人歸之者衆告以中國之主無代立者安巴堅於是立九年尙不求代諸部共責誚之安巴堅曰吾立九年所得漢人多矣欲自爲一部以治漢城諸部許之遂率漢人於灤河上築城種田而以計誘八部大人來會盡般之然後并八部爲一此與新唐書相合當是安巴堅實事而遼史并無一字及之蓋耶律儼等實錄時爲其先世隱諱陳大任修史亦遂因之不復勘對唐書及歐史也且遼史隱諱之處亦不止此歐史載李

克用先約安巴堅其攻梁已而安巴堅背約反遣梅老
聘梁奉表稱臣以求封冊克用大恨臨歿以一矢屬莊
宗報仇後果爲莊宗擊於望都大敗而去而遼史則以
克用結好之事爲約其其攻劉仁恭而不言攻梁以掩
其背約之迹此其諱飾一也歐史德光滅晉後歸歿於
灤城契丹人剖其腹實以鹽載之北歸晉人謂之帝羆
遼史並不載但載其自悔之語謂此行有三失縱兵掠
芻粟一也括私財二也不遣諸節度歸鎮三也而贊其
如秦穆之能悔過又記其遷晉主母子於黃龍府時仍
以其宮女宦官東西班官醫官控鶴官及庖人茶酒司
等從行又以晉舊臣趙瑩馮玉李彥韜等護送以見其

加惠於亾國之處凡此有善則書有惡則諱可見皆耶律儼在遼時所修原本而陳大任因之者也而元時修史之草率并唐書歐史亦不復校勘概可見矣

宋史宋琪傳琪本幽薊人故知遼事取詳其疏云契丹自阿保機始強因攻渤海死於遼陽妻述律氏生三子長東丹次德光季曰自在太子德光南侵還死於途東丹之子永康代立起軍南侵被殺於大神淀德光子述律代立號曰睦王二年爲永康子明記所篡明記死幼主代立明記妻蕭氏番將守興之女卽今幼主之母也云云其敘安巴堅以後世次繼立之處俱與遼史同惟名字不合蓋契丹以國語爲名本

無正字耳

遼史立表取善

遼史取簡略二百年人物列傳僅百餘篇其脫漏必多矣然其體例亦有取善者在乎立表之多表多則傳自可少如皇子皇族外戚之類有功罪大者自當另爲列傳其餘則傳之不勝傳若必一一傳之此史之所以繁也惟列之於表旣著明其世系官位而功罪亦附書焉實足省無限筆墨又如內而各部族外而各屬國亦列之於表凡朝貢叛服征討勝負之事皆附書其中又省卻多少外國等傳故遼史列傳雖少而一代之事迹亦略備惟與宋和戰交際之事則書於本紀而不復立表

蓋以夏高麗女直之類皆人於屬國表宋則鄰國不便列入也然金史特立交聘表凡與宋交涉之事一覽瞭如遼史雖舊無底本而元人修史時旣於金史立此表獨不可於遼史亦立此表乎且遼史與宋交涉之事書於本紀者前後亦不畫一澶淵旣盟之後凡兩國遣使生辰正旦以及慶弔等事不特逐年詳書卽使臣姓名亦一一不遺及興宗再定和議加增歲幣之後則惟書弔大喪賀卽位之事其餘生辰正旦等使一概不書何其前詳後略也若亦立交聘表則此等皆可於表內見之前旣免於繁冗後亦不至簡略矣而遼史無之此又修史諸人之失也

遼史疏漏處

遼史又有太疏漏者東都事略記遼太宗建國大遼聖宗卽位改大遼爲大契丹道宗又改大契丹爲大遼改號復號一朝大事而遼史不書聖宗統和二十四年幽

皇太妃呼紐

舊名胡輦

於懷州囚夫人伊蘭

舊名夷懶

於南京餘

黨皆生瘞之明年賜皇太妃死於幽所案統和十二年

詔皇太妃領西北路烏爾古

舊名烏古

等及永熙宮軍撫定

西邊以蕭達林

舊名撻懶宋史名撻覽

督其軍事此卽皇太妃呼

紐也達林傳亦稱夏人梗邊皇太妃受命總烏爾古部

及永熙宮軍討之凡軍行號令太妃悉委達林其後蕭

罕嘉努

舊名蕭韓家奴

疏亦言統和間皇太妃出師西域拓土

既遠降附亦多自後一部或叛鄰部討之使同力相制
正得禦遠之道則此皇太妃不惟有闢土之大功且有
靖邊之長策其幽死也又以何事后妃傳內當專立一
傳乃竝無其人何也又聖宗統和四年納皇后蕭氏皇
太妃進衣物駝馬以助會親頒賜內外命婦亦進會親
禮物此后乃聖宗元配也統和十九年以罪降爲惠妃
后雖降而其爲聖宗原配終不可沒后係何人之女以
何事得罪后妃傳內亦宜有專傳乃但以統和十九年
另立之齊天皇后特立一傳而此初娶之后絕無一字
及之何邪且既爲遼史則本國興兵之事不應自稱曰
遼兵乃本紀貝州之戰云軍校邵珂開城門納遼兵戚

城之戰云遼軍圍晉別將於戚城晉主自將救之遼軍引退鄴都之戰云慕容彥超遇遼軍數萬至榆林遼軍又至彥超等力戰遼軍乃退如此類者不一而足反似他國記載而稱契丹爲遼軍者此亦修史者之疏也

遼帝皆有簡便徽號

遼帝皆有一二字簡便徽號當時爲臣下所稱後世亦卽以此別之爲某帝初不稱廟諱也如太祖曰天皇帝太宗曰嗣聖皇帝世宗曰天授皇帝穆宗曰天順皇帝景宗曰天贊皇帝聖宗曰天輔皇帝道宗曰天祐皇帝末帝曰天祚皇帝皆於初卽位時羣臣上尊號卽有此二字甚至皇后亦另有微稱如太祖后曰地皇后聖宗

后曰齊天皇后道宗后曰懿德皇后是也其後耶律瀉

僭位亦號天錫皇帝耶律達實

舊名大石

亦號天祐皇帝達

實歿其后塔布布延

舊名塔不烟

稱制亦號感天皇后其女

布沙堪

舊名普速完

稱制亦號承天太后此亦一代之制也

案元制每帝亦有國語徽稱如太祖曰成吉斯

舊作成吉思

皇帝世祖曰色辰

舊作薛禪

皇帝成宗曰鄂勒哲圖

舊作完澤篤

皇帝武宗曰庫魯克

舊作曲律

皇帝仁宗曰布延圖

舊作顏篤普

皇帝英宗曰格根

舊作格堅

皇帝文宗曰濟雅圖

舊作札篤

皇

帝是也但元制係以國語爲尊奉之稱遼制則不用契

丹語而以漢字尊稱故不同耳

遼后族皆姓蕭氏